

BOSNA I HERCEGOVINA  
FEDERACIJA BOSNE I HERCEGOVINE  
ŽUPANIJA/KANTON POSAVSKI  
OPĆINA ODŽAK  
OPĆINSKI NAČELNIK

Broj: 01-02-950/15

Datum, 29.04. 2015.godine

Na osnovu Odluke o raspisivanju javnog konkursa za dodjelu novčanih sredstava za obnovu poplavljenih stambenih prostora na području općine Odžak dobivenih od Državnog ureda za Hrvate izvan Republike Hrvatske, broj: 01-02-947/15 od 28.04.2015. godine, člana II Pravilnika o postupku objavljivanja konkursa za dodjelu sredstava Općinskog vijeća općine Odžak broj: 01-01-93/15 od 24.04.2015. godine, te na osnovu Pravilnika o kriterijima i načinu dodjele sredstava za obnovu poplavljenih stambenih prostora na području općine Odžak dobivenih od Državnog ureda za Hrvate izvan Republike Hrvatske Općinskog vijeća općine Odžak broj : 01-01-92/15 od 24.04.2015. godine, Općinski načelnik raspisuje:

**JAVNI KONKURS**  
**za dodjelu novčanih sredstava za obnovu poplavljenih stambenih prostora**  
**na području općine Odžak dobivenih od Državnog ureda za**  
**Hrvate izvan Republike Hrvatske**

**I Predmet javnog konkursa**

Predmet javnog konkursa je dodjela novčane pomoći za obnovu stambenih prostora uništenih ili oštećenih djelovanjem prirodne nesreće - poplave na području općine Odžak (u daljnjem tekstu: poplavljeni stambeni prostor) koju dodjeljuje Općina Odžak (u daljnjem tekstu: Općina), a koja sredstva je Općina Odžak dobila od Državnog ureda za Hrvate izvan Republike Hrvatske Ugovorom o financijskoj potpori poplavljenim područjima u Bosni i Hercegovini iz sredstava Državnog proračuna Republike Hrvatske za 2014.godinu klasa: 016-04/14-02/230, urbroj: 537-02-03-14-01 od 12.prosinca 2014.godine u ukupnom iznosu od 1.000.000,00 kuna (slovima:milijun kuna) ili u protuvrijednosti u konvertibilnim markama 251.319,93 KM (slovima: dvijestotinepedesetjednatisučetristodevetnaest konvertibilnih maraka) .

Sredstva će se raspoređivati prema kriterijima utvrđenim Pravilnikom o kriterijima i načinu dodjele sredstava za obnovu poplavljenih stambenih prostora na području općine Odžak dobivenih od Državnog ureda za Hrvate izvan Republike Hrvatske donesenog od strane Općinskog vijeća općine Odžak broj : 01-01-92/15 od 24.04.2015. godine.

**II Korisnici sredstava**

Korisnici prava na novčanu pomoć, za obnovu poplavljenih stambenih prostora su isključivo vlasnici ili posjednici poplavljenih stambenih prostora pod uvjetom:

- 1) da je njihov poplavljeni stambeni prostor evidentiran u Evidenciji poplavljenih stambenih prostora Općinskog povjerenstva za popis i procjenu šteta općine Odžak i

- 2) da je vlasnik odnosno posjednik poplavljenog stambenog prostora imao prebivalište na području općine Odžak na dan 15.05.2014. godine (u daljnjem tekstu: korisnik pomoći).

Podstanar ili drugi korisnik stambenog prostora ne može biti korisnik pomoći.

Pravo na novčanu pomoć u obnovi stambenog prostora, prema ovom Javnom konkursu mogu ostvariti i vlasnici odnosno posjednici poplavljenih stambenih prostora koji su obuhvaćeni drugim donatorskim programima finansijske pomoći koje na području općine Odžak realiziraju drugi domaći i strani donatori, a koji nisu bili dostatni za osiguranje minimalnih uvjeta stanovanja, što je definirano utvrđenim kriterijima za dodjelu pomoći u Pravilnicima navedenim u preambuli ovog javnog konkursa i u posebnim odredbama u samom javnom konkursu.

Pravo na finansijsku pomoć iz ovih sredstava i po ovom javnom konkursu nemaju korisnici drugih pomoći kojima je njihov objekat obnovljen na minimalne uvjete stanovanja iz drugih dobivenih sredstava ( UNDP, KUCAJSKA SREDSTVA, IOM, CH CRVENI KRIŽ, CARITAS ili drugih donatora).

### **III Kriteriji**

Korisnici sredstava će biti bodovani prema kriterijima propisanim Pravilnikom o kriterijima i načinu dodjele sredstava za obnovu poplavljenih stambenih prostora na području općine Odžak dobivenih od Državnog ureda za Hrvate izvan Republike Hrvatske donesenog od strane Općinskog vijeća općine Odžak broj : 01-01-92/15 od 24.04.2015. godine.

Pravilnik o kriterijima i načinu dodjele sredstava za obnovu poplavljenih stambenih prostora na području općine Odžak dobivenih od Državnog ureda za Hrvate izvan Republike Hrvatske Općinskog vijeća općine Odžak broj : 01-01-92/15 od 24.04.2015. godine i Pravilnik o postupku objavljivanja konkursa za dodjelu sredstava Općinskog vijeća općine Odžak broj: 01-01-93/15 od 24.04.2015. godine , objavljeni su na web stranici Općine Odžak [www.odzak.ba](http://www.odzak.ba), na oglasnim pločama općine Odžak i biti će objavljeni u Službenom glasniku općine Odžak.

### **IV Uslovi konkursa i dokumentacija**

Da bi ostvarili pravo na dodjelu novčanih sredstava po ovom javnom konkursu podnosioci zahtjeva dužni su uz popunjenu prijavni obrazac dostaviti sljedeću dokumentaciju:

1. Dokaz o stvarnom ili faktičnom vlasništvu stambenog objekta (posjedovni list, zk. izvadak ili drugi dokument o dokazu stvarnog vlasništva).
2. Račun ili kopija računa za električnu energiju za predmetni stambeni objekat za bilo koji mjesec u 2014.godini.
3. Uvjerenje o prebivalištu svih punoljetnih članova domaćinstva na području općine Odžak na dan 15.05.2014.godine.
4. Potpisan i ovjeren Obrazac o do sada dobivenim sredstvima članova domaćinstva za obnovu i izgradnju stambenog objekta.
5. Kućna lista o broju članova domaćinstva ovjerena kod nadležnog općinskog organa ili notara.

6. Izjava o broju maloljetnih članova domaćinstva sa kopijom rodnog lista ili kopijom drugog odgovarajućeg dokumenta za svakog maloljetnog člana domaćinstva.
7. Potvrdu JU Centar za socijalni rad Odžak o korisnicima stalne socijalne pomoći u domaćinstvu (ako su korisnici stalne socijalne pomoći).
8. Potvrdu nadležne općinske službe ili kopiju zapisnika Općinske komisije za procjenu šteta o stepenu oštećenja stambenog objekta prema visini potopljenosti objekta.

Dokaz iz tačke 8. prethodnog stava ovog člana Komisija će pribaviti po službenoj dužnosti.

#### **V Mjesto i rok za dostavu prijave na konkurs**

Zainteresovani za dodjelu novčanih sredstava po ovom konkursu dužni su podnijeti popunjenu prijavu- prijavni obrazac na javni konkurs uz dostavljanje dokumentacije kojom dokazuju ispunjavanje uslova po konkursu.

Prijave podnijeti na adresu Općine Odžak, Zgrada 1, Trg bb, 76290 Odžak, - Komisiji za provođenje, obradu i ocjenu prijave po ovom javnom konkursu za dodjelu novčanih sredstava za obnovu poplavljenih stambenih prostora na području općine Odžak dobivenih od Državnog ureda za Hrvate izvan Republike Hrvatske u roku od **15 dana** računajući od dana kada je konkurs objavljen na službenoj web stranici općine Odžak i oglasnim pločama općine Odžak.

**Prijava na javni konkurs sa traženim ispravama dostavlja se na adresu: Općina Odžak, Zgrada 1, Trg bb, 76290 Odžak.**

#### **VI Rok za donošenje odluke o odabiru korisnika za dodjelu novčane pomoći**

Ovaj rok ne može biti duži od 30 dana od dana zatvaranja javnog konkursa. Nepotpune i neblagovremene prijave neće se uzimati u razmatranje.

**OPĆINSKI NAČELNIK**  
*Hadžidedić H.*  
dr.sc. Hajrudin Hadžidedić